

Nyob Zoo Txog Sacramento City Unified Cov Tsev Neeg:

Peb sau tsab ntawv no tuaj qhia qhov tshiab rau nej txog rau ntawm lub sijhawm kev kaw tsev kawm ntawv seb kaw ntev lics thoob plaws hauv koog tsev kawm ntawv los txo tus kab mob COVID-19 kom tsawg thiab muab tej yam tshiab txog peb cov peev xwm uas tab tom ua los pab kom tau li cov kev tu ncu ntawm txoj kev kawm thiab kev sib tham thiab kev xav ntawm peb cov tub-ntxhais kawm ntawv.

Peb lub hauv paus tsev kawm ntawv ua tes dejnum txuas ntxiv los ua tib zoo ntsuam xyuas cov kev pom zoo ua thiab cov kev taw qhia uas muab los ntawm Governor Gavin Newsom, Sacramento County, lub nroog Sacramento, thiab cov oos kas saibxyuas kev noj qab haus huv ntawm tsoom fwv, lub xeev thiab cov nyob rau hauv lub zej zog. Hnub no, [Sacramento County](#) tshaj tawm [Xaj Kom Pej Xeem Kev Noj Qab Haus Huv](#) kom txhua tus neeg los nyob hauv tsev twj ywm, tshwj tsis yog lawv yog cov muab lossis tau cov kev pabcuam.

Raws li ntawm qhov kev yuav tau ua raws no, **Tag nrho txhua lub Sac City Unified tsev kawm ntawv yuav kaw twj ywm kom txog ntua thaum so spring break, lub 4 hlis tim 6-10. Hnub Monday, lub 4 hlis tim 13 yog hnub ntxov tshaj uas peb lub sijhawm rov mus pib kawm ntawv.** Peb mam qhia dua cov tshiab rau sawv daws hauv peb lub zej zog yog tias ho muaj kev hloov rau hnub uas yog lub sijhawm ua ntej hnub ntawd.

Peb xav kom txhua tus los ua raws li Sacramento County kev saibxyuas pej xeem kev noj qab haus huv kev taw qhia kom nyob twj ywm hauv tsev kom txo tau kev sib kis tus kab mob COVID-19 kom tsawg. Yog peb sawv daws los ua raws li cov kauj ruam uas qhia no, peb yuav pab tau kev sib kis tus kab mob Coronavirus qeeb dua thiab yuav tsis ua rau peb kev saibxyuas kev noj qab haus huv sib tsub sib nias.

Nws yog ib qho uas tseem ceeb heev uas yuav tau nco cia tias kev faib zaub mov noj rau peb cov tub/ntxhais kawm ntawv yog lub luag

haujlwm ntawm cov kev pabcuam uas peb yuav tau los pab rau hauv peb lub zej zog. Sac City Unified yuav ua tes dejnum txuas ntxiv cov tsev kawm ntawv lub nutrition program kom thoob plaws rau lub sijhawm kub ntxhov txog pej xeem kev noj qab haus huv no. Peb tau [nce cov tsev kawm ntawv ntau lub ntxiv uas yog cov chaw faib zaub mov thiab ncu cov xuaj moos kom ntev los faib zaub mov](#). Peb yeej kom txhua tus tub/ntxhais kawm ntawv thiab lawv cov tsev neeg yeej meem los siv peb lub nutrition program txuas ntxiv mus thiab tuaj nqa cov zaub mov mus noj, uas yog cia li tuaj nqa thiab mus lawm xwb.

Peb kuj ras txog tias ntau tus ntawm peb cov xibfwb uas mob siab qhia ntawv twb tau sib txuas lus nrog koj thiab koj tus (cov) tub/ntxhais kawm ntawv txog cov kev kawm kev pabcuam thiab cov cuab yeej siv los kawm nyob rau peb lub caij nyoog uas kaw tsev kawm ntawv no. Peb tab tom ua haujlwm nrog rau txhua tus ntawm peb cov neeg ua dejnum uas muab kev koomtes kom paub meej tias yeej npaj tau kev kawm nyob muaj chaw rau txhua tus tub/ntxhais kawm ntawv kom los muaj tau txoj kev kawm thiab txais tau cov kev pabcuam raws li cov kev tu ncu uas lawv xav tau. Ib txhia kev pabcuam no kuj yuav yog siv tej cuab yeej technology-based nyob li lwm cov kuj yuav yog lwm yam txawv. Peb qhov kev npaj yog ua raws li qhov kev qhia uas nyuam qhuav muaj tsis ntev dhau kiag los no rau cov tsev kawm ntawv los ntawm California Department of Education (CDE) thiab lwm cov uas muaj npe txog kev kawm sib nruq deb uas yog koj mus saib tau [nov](#). Thov kom paub meej tias peb tab tom ua haujlwm hauv ib thaj tsam no, thoob plaws ib cheeb tsam no, thiab mus deb tshaj los txiav txim tias seb txoj hauv kev twg yog txoj uas zoo siv cov kev qhia no tshaj. Nyob rau lub sijhawm no, peb yuav ntxiv cov [online enrichment resources](#) los txhawb pab peb cov tub/ntxhais kawm ntawv thiab kom muaj ntau yam uas yog kev kawm.

Tus kab mob COVID-19 kev kub ntxhov txog pej xeem kev noj qab haus huv yeej tseem yogi b qho uas mob sai heev. Cov uas yog qhov tseeb

thiab cov xwm txheej hloov pauv sai heev, thiab yog ib qho tseem ceeb heev uas muab kuaj tsis so raws li pej xeeb kev noj qab haus huv uas tshwm sim ua ntu zus. Sac City Unified yuav ua haujlwm muab sib tham tuav tswv yim nrog Sacramento County Public Health thiab Sacramento County Office of Education, thiab ua raws li kev qhia los ntawm lub xeev California Governor Gavin Newsom, California Department of Public Health, thiab California Department of Education. Peb koog hauv paus yuav ua tes dejnum txuas ntxiv los siv thiab tag nrho txhua yam uas muaj kev pom zoo los ntawm cov thawj coj ntawm pej xeeb kev noj qab haus huv los tiv thaiv kev noj qab haus huv thiab kev nyab xeeb ntawm peb cov tub/ntxhais kawm ntawv, cov neeg ua dejnum thiab cov neeg hauv peb lub zej zog tag nrho rau lub sijhawm uas kub ntxhov rau kev noj qab haus huv no. Qhov kev noj qab haus huv thiab kev nyab xeeb ntawm peb txhua tus Sac City Unified cov tub/ntxhais kawm ntawv tseem yog peb thawj qhov kev txhawj xeeb uas loj tshaj plaws.

Peb yuav sib tham txuas ntxiv ncaj nraim nrog peb cov tsev neeg, thiab yuav tso cov tshiab rau hauv peb [Lub Hauv Paus lub vevxaij](#) raws li cov xwm txheej uas muaj zuj zus tuaj. Peb ua tsaug rau tag nrho peb cov neeg hauv peb lub zej zog uas lawv to taub thiab muab kev koomtes nrog rau peb rau lub sijhawm uas nyuab rau pej xeeb kev noj qab haus huv, thiab rau qhov uas lawv tseem ua lawv feem los pab peb cov tub/ntxhais kawm ntawv thiab cov tsev kawm ntawv hauv lub zej zog kom muaj kev noj qab haus huv.

Jorge A. Aguilar
Thawj Tswj Superintendent